



euskal herriak
bere eskola

www.euskaleskola.org

Mobilizazioak
unibertsitateetan



Hauteskundeak NUPen



Seaskaren mobilizazioak

hezberri

39.alea
2011ko
Martxo eta
Apirila



Iruñerriako ikasleak kalera irten ziren Apirilaren 19ko Mobilizazio Egunean

Milaka ikasleak egin zioten kasu Iruñerriako Ikasle Abertzaleen deia. “Gure Hezkuntza Eredua erabakiz, gure etorkizuna eraiki!” zen leloa, eta horren atzetik ehundaka ikasle. Hainbat oztopo izan zituzten arren (zenbait zuzendriren eskutik etorritako debekuak kasu), bere aldarrikapena kalean ozen entzun arazi zuten.

Mobilizazio egun hau lanketa zabalago baten azken puntua izan da. Honen aurretik, besteak beste, manifestu bat kaleratu zuten Iruñerriako ikasleek. Manifestu honek atxikimendu ugari bildu zituen eta manifestazioaren amaieran horiek guztiak entregatu zizkieten Alberto Catalani, Nafarroako Hezkuntza arduradunari.



Mobilizazioak Iruñerrian

Etengabeko mobilizazioetan murgildurik egon dira Iruñerriako ikasleak kurtso hasieratik. Apirilaren 19ko manifestazio hori horren adibide bakar bat baino ez da. Lanketaren puntu nagusietako bat manifestu baten kaleratzea izan da, manifestu honek Nafarroan azken aldian hareagotu diren erasoak biltzen ditu: TILen ezarpena, Vascuenceren legearen sustapena, ikasleen eskubideen aurkako Foru Dekretua, Ikasleen gaineko kontrola...



Honela, mobilizazio egun baterako deia egin zuten. Urte guztian zehar egindako lanak indar erakustaldi bateratu batean kaleratzeko asmoz. Horretarako, gainera, eragile ezberdinen babesa izan zuten, tartean Euskal Herriak Bere Eskolarena.

Mobilizazio Eguna zinez arrakastatsua izan zen, portadako argazkian ikus daitekeen bezala. Lana ordea ez da hor amaitzen, eta eskubide urraketak salatzen jarraitzeaz gain, eredu propio baten alde lanean segiko dutela adierazi dute Iruñerriako ikasleek.

Ikasle Egun Txikia ospatuko dute Maiatzaren 7an

Iruñerriko IKASLE EGUNA
MAIATZAK 7

10:30 Tortilla patata lehiaketa (konpañia plazan)
11:00 Tailerrak (sexualitatea, hankapaloak, txarla...)
12:30 Ikasle murala
-Ikasle Olinpiadak ikastetxea
--KALEGIRA--
14:00 BAZKARIA (Soilik bazkarirako bonoak, 10 eurotan)
-Bertoak, jokuak eta giro ederra!
>17:00 MANIFESTAZIOA<
-Kalejira Txantrea Uharteko batukadarekin batera!
19:30 KONZERTUAK eta GAUPASA
(Zurgai, Txantreako herriko taberna)
AZTARNA, URRATU, EGURRA TA KITTO eta Talde Sorpresa!
20:30 AFARIA (Afaria+Bazkarirako bonoak 12 eurotan!)

Ikasle Abertzaleak
www.ikasleabertzaleak.org

Ikasturte osoan zehar aurrera eramandako borroka batuko dituzte Larunbatean Iruñean. Denetarikoa izan dira kurtso honetan zehar garatutako ekimenak, horiek guztiak elkartu eta etorkizun ezberdin bat eraikitzeko kemena erakutsiko dute Ikasle Egun Txiki honetan.

UPNren gobernutik jasandako eraso guztien gainetik ikasleriak antolatzeke eta borrokatzeke ahalmena izaten jarraitzen duela erakutsi nahi dute, eta jazarpen guzti horien aurrean bestelako eredu bat eraikitzea inoiz baino beharrezkoago dela aldarrikatuko dute.

Ikasle Egun Txikia izango da Larunbatekoa, baina deialdia ez da ikasleentzat soilik! Hezkuntza Herrien Motore dela gogorazaz, irakasle, guraso eta herritar orori ere egun honetan parte hartzeko dei egin diete Iruñerriako Ikasle Abertzaleakeko lagunek. Tailerrak, jolasak, bazkari herrikoia, manifestazioa, kontzertuak... denetik izango da bertan!

Informazio gehiago eskuratzeko:

www.ikasleabertzaleak.org

www.ikasleabertzale.blogspot.com





Medikuntza eta Farmazia euskaldundu!



Martxoa eta Apirilan zehar euskaldutzearen aldeko borrokak garatu dituzte Medikuntzako eta Farmaziako fakultateetan. Osasungintzaren alorrean, hezkuntzatik bertatik hasita landu beharreko zerbait da, antza, euskalduntzearena.

Farmaziako Fakultatean, ikasketak osotasunean euskaraz egiteko eskubidearen alde kontzentrazioak burutu dituzte hainbat astetan zehar, eta horren ondoren sinadura bilaketa bat egin dute.

Medikuntzako ikasleek ere horixe bera da lortu nahi dutena. Euskalduntzearen inguruan egiten diren promesa faltsu guztiak behingoz bete daitezen eskatu dute. Aldarrikapena oso hedatua dago ikasleen artean, horren erakusle da fakultatean burutu zuten itxialdia, zeinetan 100 ikasle inguruk hartu zuten parte.

Farmazia eta Medikuntza, osasungintzako bi karrera. Ikaskuntza bera euskaraz egin ezin bada, gero zerbitzua eskaini ahalko ote da euskaraz?

Liburutegia Arkitekturan!



Arkitektura fakultateko ikasleek hainbat mobilizazio burutu dituzte, tartean irudian ikus daitekeen itxialdi jendetsua.

Arkitekturako ikasleek Donostiako Arkitektura Eskolako liburutegiaren leku aldaketa planen aurrean beren kezka eta desadostasuna azaldu dute. Ikasleek zuzendaritzari behingoz posizionatzeko eskatu diote eta UPVri, beste behin ere, ikasleen hitzari jaramonik ez egin izana egotzi diote.

Sinadura bilketak, asanblada jendetsuak, itxialdia eta liburutegi propio baten egun bateko irudikapena; esan bezala, askotarikoak izan dira mobilizazioak. Ikasleentzat liburutegia bertan izatea ezinbesteko dela uste dutelako, lanean jarraituko dute.

IVEFeko ikasleek masterrari ez!



Irudian ikusten dena IVEfeko ikasleek egin dituzten kortoetako bateko irudi bat da, gainean klikatuz gero, orrialdera bideratuko zara.

Bolognaren aplikazioak sorpresa desatsegin bat ekarri die IVEFeko ikasleei. Plan berriarekin, irakasle izan nahi duten ikasleek Master bat egin beharko dute derrigorrez, nahiz eta lizentziaturan bertan irakaskuntzarekin lotura duren hainbat irakasgai badituzten.

Plan berbera egin zuten bi belaunaldik eskubide ezberdinak izango dituzte; orain bi urte karrera amaitu zutenek irakasle moduan lan egiteko eskubidea dute, karrera orain amaituko dutenek aldiz, ez.

Egoera hau izanik, Ikasle Abertzaleakeko ki-deak kurtso hasieratik hasi ziren informazioa biltzen, ikasleak informatzen eta asanbladak deitzen.

Lanketak aurrera jarraitzen du, ikasle, irakasle eta unibertsitateko kide ezberdinekin hitz egiteaz gain, gaia Hezkuntza Departamendura eraman nahi dute eta kalera atera nahi dute. Aipatu ditugun korto horiek lanketa honen adibide dira.

Ikasle Topaketak burutu dituzte Leioan eta Arrasaten



Ikasle Topaketak burutu dituzte Apirilean Leioako Campusean eta Arrasaten. Bai batan zein bestean, ikasleak beren artean bildu dira euren arazoei buruz hitz egiteko, egoerak konpartitzeko eta irtenbideak bilatzeko.

Arrasaten diagnostiko komun bat osatu zuten eta fanzine baten bidez bertako ikasleen artean banatu dituzte ateratako ondorioak; ikasle Topaketa hauek laguntzeko bertso afari bat ere ospatu zuten.

Leioako Campusean Apirilaren 7an ospatu zituzten Ikasle Topaketak. Goizean zehar fakultateakako eztabaiden bidez ikasleriaren arazoak aztertu eta ikasleak kolektibo gisa antolatzeko aukerak aztertu zituzten. Bologna prozesuaren ondorioak, euskararen zapalkuntza, full time ereduaren ezarpena, segurtasun indarren presentzia... hamaika gai izan zituzten ahotan.

Baina, Leioan ere izan zen ondo pasatzeko tartea. Eztabaiden ondoren bazkari herrikoia ospatu zuten (campuseko segurtasun indarren oztopoak gaindituz), bertsolariek alaiturik. Azkenik, jaialdi xume batez gozatzeko aukera izan zuten gauean 7Katu gaztetxera bertaratu zirenek.

Errektoretza hauteskundeak eta ikasle mobilizazioak UPNAn



Apirilaren 14an Errektoretzarako hauteskundeak izan ziren NUPen. Julio Lafuente eta Rafael Lara ziren hautagaiak eta lehengoan izan zen garaile. Hauteskunde hauek aldarrikapen eta protestaz beterikoak izan dira. Eta, beste behin ere, agerian utzi dute unibertsitatearen izaera antidemokratikoa, estamentu ezberdinetakoen bozkaren balioak adierazten digun bezala.

Esan bezala, hauteskunde hauetan zehar eta aurretik ere, ikasleek mobilizazio ugari burutu dituzte Bologna prozesuak ekarri dituen jazarpenen aurrean.

>> Informazio gehiago: <http://tinyurl.com/6kp7xo8> <<

Protesta jendetsuak Ipar Euskal Herriak hezkuntzako murrizketak direla eta



Ipar Euskal Herriko hezkuntzako ki-deak protestaz protesta ibili dira azken hilabeteetan. Sektore publikoan zein pribatuan murrizketa nabarmenak burutuko dituela irgarri du Frantziako Gobernuak eta neurri horiek jasangaitzak direla adierazteko kalera atera dira.

Potesten artean, paroak eta grebak izan dira; eta baita irudiak ikus dezakegun manifestazio jendetsua ere.

Apirilaren 30ean burutu zen manifestazioa “Kasu! Ikastola Kexu!” lemapean. 2000 pertsona inguru elkartu ziren Baionako ka-leetan Seaskak egindako deialdiari jarraiki.

Neurri hauek ekonomikoak badira ere, hizkuntzak jasaten dituen etengabeko era-soen mapan kokatu behar dugula adierazi zuten kaltetuek.

>> Informazio gehiago: <http://tinyurl.com/655x8p9> <<

Sortzen-Ikasbatuaz en jaia Maiatzaren 15ean Takonera parkean



Sortzen-Ikasbatuazek urtero euskal eskola publikoaren alde antolatzen duen jaiak XV.edizioa du jadanik! Maiatzaren 15ean izango da, Iruñeako Takonera parkean “Gu bai gu!” leloarekin. Aurtengo edizioa antolatzeko ardura Burlatako Haur eta Lehen Hezkuntzako Ermitaberri ikastetxeak izan du.

1
2 3 4 5 6 7 8
9 10 11 12 13 14 15
16 17 18 19 20 21 22
23 24 25 26 27 28 29
30 31

1.- Langileren Eguna
7.- Iruñerriako Ikasle Eguna
15.- Sortzen-Ikasbatuaz en jaia
29.- Ibilaldia

“Gaur atzo baino gehiago dakit, baina bihar baino gutxiago”

Berri Txarrak



Hezberri Euskal Herriak Bere Eskolaren hila betekaria da. Bertan dauden eduki guztiak edo atalak libreki partekatu eta zabaltzeko eskubidea duzu beti ere honako baldintzak betetzen badituzu:

- Jatorria aipatzea
- Era berdinean partekatzea



Informazio gehiago:

- www.euskaleskola.org
- eskola@euskaleskola.org